

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Ineqarnermut attartornermut akiliutit ukiut 15-it tullit ukiumut qanoq annertutigisumik qaffattassappat. Akiliutit qaffattarnissaanut aamma ersarissunik kisitsisinik piumasaqarpunga akineqassasut.
2. Ineqarnermut tapiissutit attartortunut tunniunneqassappata aningaasarsiat qanoq aallaavigineqassappat? Aammalu tapiissutit annertussusissaat ilanngullugu paaserusuppara.
3. Attartornermut tapiisummik (boligsikring) pissarsissagaani qanoq aningaasarsiaqarnerit aallaaviussappat, aningaasarsiat killissaat qanoq annertutigissava?
4. Ineqarnermut tapiissut tunniunneqartussaq kiap akilissavaa?
 - a. Namminersorlutik Oqartussat qanoq angitigisumik ineqarnermut tapiisassappat?
5. Ineqarnermut tapiissut kommunit akilertagassaat qanoq annertutigissava aningaasanngorlugu?
6. Ineqarnermut attartornermut akitsuinnissami ukiut 15.-it tullit Namminersorlutik Oqartussat attartortittagaataat init kisimik akitsuiffigineqassappaat?
7. Ineqarnermut attartornermut akitsuinnissami aamma kommuunit illutaat attartortinneqartut akitsuiffigineqassappaat?
8. Ineqarnermut akitsuinnissami paaserusunnarpoq illunut nutaanngitsunut allaat attartortinneqartunut Namminersorlutik Oqartussat kommuunillu illutaat nutaanngitsut aamma akitsuinnissamut ilaassappaat?
9. Inissiaatileqatigiiffik A/S INI aammalu Namminersorlutik Oqartussat piat Illuut A/S kattunnissaannut suliaq sulii ingerlava?

a. Taamaappat qaqugu suliaq aallartissava?

- 10. A/S Ini-mut ingerlatsinermut aningaasat qanoq annertutigisut atorneqartarpat aammalu sulisut qassiuppat?**
- 11. Illuut A/S ukiumut ingerlatsineranut aningaasartuutit qanoq annertutigippat aamma sulisut qassiuppat?**
- 12. Ineqarnermut tapiissut kommunit akilertagaat qanoq annertutigaat? Aammalu Namminersorlutik oqartussat akilertagaat immikkoortillugit paaserusunnarput.**

(Inatsisartunut ilaasortaq Hans Enoksen, Naleraq)

Tunngavilersuutit:

Ineqarnermut akitsuinnissat aamma ineqarnermut tapiissutissat annertussusiat aammalu Namminersorlutik Oqartussat kommunillu illuuttaat ilanngullugit akitsuiffigineqarniarnersut paaserusuppara. Ineqarnermut tapiissutinik pissarsissagaanni aningaasat qummut killinga qanoq annertutigissanersaq paaserupparattaq. Kiisalu ineqarnermut ingerlatsiviit marluk aningaasartuutaat qanoq annertutiginersut paaserusunnarpoq. Ingerlatsinermut aningaasartuutit ineqarnermut akitsoriartuinnartumut sapinngisamillu piaartumik akikillisaanissaq anguniarlugu Naalakkersuinikkut sulisoqartariaqalerma. Qaqugu ineqarnermut oqartussaaaffiit marluk ataatsimut kattunneqassanersut aamma paaserusuppara.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasooq aallaavigineqassaaq.